

آبونه شرائطی

ممالك عثمانیه ده سنه لکی (۶۵) ، التي
آیلغی (۳۵) غروشدور .
ممالك اجنبیه ده سنه لکی (۱۷) ، التي
آیلغی (۹) فرانقادر .

اداره خانه

باب طای جاده سنده اورخان بلكه خاننده
نومرو ۲۳-۲۶

اضطارات

آبونه بدلی پشیندر .

§

مشالکه موافق آثار مع الممنونیه قبول
اولنور . درج ایدیلیمین یازیلر
اعاده اولوماز .

الکشاف

سر ۱۳۳۰

اضطارات

رساله مزدن آلتدیغی کون ترمک شرطیلر
بتون یزیلر هر هانکی رغزته طرفندن
اقتباس اولونه ییایر .

§

مکتوبلرک ، امضارک واضح و
ارقوناقلی اولمسی و آبونه صره
نومروسنی محتوی بولونمسی لازمدور .

§

ممالك اجنبیه بچون آبونه اولالارک
آدرس لرینک فرانسه یازمده یازلمسی
رجا اولنور .

§

اون آبونه قید ایدن ذاته بر آبونه
مجاناً تقدیم اولنور .

والله یهدی من یشاء الی صراط مستقیم

دینی ، علمی ، ادبی ، سیاسی هفته لقی مجموعه اسلامییه در

اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۴۸ - ۲۳۰

صفر ۲۹ ۱۳۳۱

پنجشنبه

۲۴ کانون ثانی ۱۳۲۸

جلد ۲ - ۹

صوك ضربتي اورمقدر. قلمي حب وطنله لرزان، ناصيه سي نور ايمانله درخشان، شجاعت و بسالتلري معروف جهان اولان اولاد اكرادك وسائر آرزوايدن وطنپرورانك (وجاهدوا) امر جليلنه اتباعاً سرحد طوغرى قوشا- جقلىرندن امينم»

کردستان اشرفانندن بدرخانی آرزوی «حضر تلری طرفندن کردله خطاباً یازیلان دعوتنامه دن :

رمالهم را فی سبیل الله ...

شجیع وقهرمان کردلر! بیلکزه مسلمانلغک طایاندینی الک متین دیرکلردن بریده سزسکز. مسلمانلغک، عثمانیلغک کردلکالک الدن کیتمک اوزره بولندی و دین دشمنلرینک پایتختنک اطرافنی صاردینی بوکولرده باباکیکیت، مرید، آرسلان کردلر راحت دوشکندنه یانامازلر! ... هایدی، هپ برابر دینک، وطنک امدادینه قوشهلم، دشمنلرمزه کردلرک نه قهرمان وطن مدافعی، نه کوچلی قوتلی آدملر اولدیغنی کوسترلم، اللهک امرینی یرینه کتیرلم، دین و وطن اوغورنده جهاد ایدلم. یکیت کردلر، ای بیلکزه دین ده، وطن ده، تورک ده، عربده، کرده تهلکه ده در، هرشی تهلکه ده در، قلنجلرمز بوکونده شاقیردامازسه آرتق هیچ برزمان قینندن چیقامایه جقدر. برکزه اسلامیت محو اولورسه نه کرد قالیر، نه عرب، نه چرکس، نه ده تورک! ... اسلاملق ووطنمز بوکونکی صیغتی یی هیچ کورمه مش ایدی. وطنی قورتارمق وطن اوغورنده سونه سونه دوکوشوب غازی ویا شهید اولمق هیمزک اوزرینه فرض عیندر. هایدی کردلر! هپ بردن کورمه مش آرسلانلر کبی دشمنلرمزه هجوم ایدلم. البته بویله برجهادده اولمک دشمنک، آغنی آلتنده چیکننه جک عزیز وسوکیلی وطنمزک دوشکونلکنی، اولومنی کورمکدن بیک کره خیرلدر.

ولایاتده مدافعه ملیه تظاهراتی :

سبیل الرشاد غزیه سی واسطه سید مقام صراره

۲۲ کانون ثانی، کنج — حرب بیاننامه لرله نیت ومقاصدلرینی اعلام وروم ایلنده کی خون پاک مسلمینی اراقه، ناموس عصمتی هتک صورتیه اظهار ایدن اعدانک صولتی، تعبیر صریحیه صلیک هلالی محو ایتک املندن عبارت اولان تهاجاتی، عالم اسلام ایچون دوره انتباهک حلول ایتدیکنی اثبات ایتدی. ائتلاف مثلثک معاونه یله اسلاملره روا کوریلان مظلمه نهایت ویردیرمک، دینزی مقدساتی قورتامق ایچون مالاً جاناً دارالحربه شتابه مهیایز. تشکیلاتنه مساعده بیوریلورسه صنوف مخزنه عسکریه دن ماعدا کردسانده درتیوز قدر کوللی طاووری احضاری تخمین اولنیور. بوکتله شجیعنه ک برانتظام آلتنه آلتق واحتیاجلری تهوین ایدلمک ایچون حکومتیزک رهبرلکته مفتقدردر. اگر بعیدت مسافه و موسم حسیه درحال نقاط مطالبویه سوقی شمدلک متعسر ایه هر وقت امرحکومه مهیا بولنه جق بر قوه کلیه نک تعلیم وتربیه سنک عاجلاً اکلندن متولد فوائد عظیمه مستغنی عرضدر. بناء علیه علما، مشایخ، رؤسانک ارشاداتی حکومتیزک رهبر- لکیله طاوورلرک تشکیلی وتعلیم ونواقلرینک اکللی وپیدرپی اراده بیوریله جق سمته سوقلرینه دائر مقام سامیلرینه اعیانندن سید عبدالقادر افندی حضرتلری واسطه سیله مقدم ۲۰ کانون اول سنه ۳۲۸ تاریخلی تلغرافنامه مزی ناموس عسکری وشرف ملینک اعاده ووقایه سیچون تجدید ایدیلن محاربه نک اعلامی وسیله سیله تکرارعرض، ایجاب ایدنلرله کردستان والیرینه کیفیتک اراده سی استرحام ایلرز.

کنج مبعوث سابق محمد، مفتی حسن، مشایخن عبدالله، مدرس احمد، اشرفدن محمود، اشرفدن محمد، اشرفدن محمد، اشرفدن اسماعیل ۲۲ کانون ثانی، کنج — بالقان نائره حربنک تکرار اشتعال ایده.

سکسان اوچ پارچه اشیا مختلفه محال عائده سنه کوندردلیکی اداره خانه مزه کوندریلن بر جدولدن اکلاشده در. محترم اینه کول اهالیسنک حمیت اسلامیه ووطنیه لری شایان تقدیردر.

مکه مکرمه دوانهای عثمانی اعانه سی. — مکه مکرمه دن آلدیغمز خصوصی خبرلره کوره مکه مکرمه امیر محترمی دولتلو سیادتلو شریف حسین پاشا حضرتلرینک نظارت هاشمانه لری تحتنده متشکل دونهای عثمانی مکه شعبه سی طرفندن قبل الحج ۵۸، ۷۴، ۷۵، غروش بعدالحج دخی ۱۲۳، ۳۲۰ که جمعا ۱،۱۹۷، ۴۷۸ غروش اعانه جمع اولمشدر. اشبومبالغ عظیمه نک جمعه موفق اولان دونما اعانه قومیسونی اعضالری ذوات آتیه دن مرکبدر :

ناظر عمومی امیر مکه مکرمه شریف حسین پاشا حضرتلری، دفتردار ولایت، امیر مکه زاده شریف علی بک افندی حضرتلری، دیگر مخدوم امارتپناه ای شریف فیصل بک افندی، حرم شریف مدیری امین افندی، حنفی مفتیسی عبدالله سراج افندی، مفتاحدار بیت معظم عبدالقادرشینی افندی، ژاندارمه قوماندان وکیلی عثمان بک، قومیسون کاتبی روزنامه چی علی رضا افندی.

مکه مکرمه ده اعانه مریه. — مشارالیه شریف حسین پاشا حضرتلرینک تحت نظارت جلیله امارتپناهیلرنده متشکل قومیسون طرفندن برماه طرفنده جمع ایدیلن حرب اعانه سی (۱،۴۴۸، ۱۵۵) غروشه بالغ اواشدر. بو اعانه یالکزه قبله عالم اسلام اولان مکه مکرمه شهرینک اولوب ملحقات بوکا داخل دکلدر. شمیدی ده خاندان جلیل رسالته منسوب بالجمله شرفاوسادات کرام، علما، مدرسین، اهالی، مجاورین، تجاروکافه قبائل عربان شیخریله دوه جیلره وارنجه یه قدر اعانه حربیه اشتراک ایلشلردر.

سبیل الرشاد. — غیر قابل تجزی بوجود معنوی اولان عالم اسلامک یاشامقده اولدینی شوماتم انکیز کونلرنده مهرمنیر اسلامک مطلع انوارفیوضاتی اولان مکه مکرمه دن بواصر جلیل تعاوی، ایلک تشبثده مهم برملغ طویلاندیغنی استبشار ایتک بزم ایچین برحیات نوینه نائلیت قدر قیمتدار برمژده در. بز لایترزل برانیت، براطمئشان قلب ایل امید وارزکه، مهبط وحی الهی اولان کعبه الله العلیانک حضورعلاوتنده شرف خلافتک، ناموس توحیدک پامال صلیب اولقندن محافظه سی ایچین نجل نجیب رسالتپناهی، امیرعلاوشان حسین پاشا حضرتلرینک تشبث بویوردقلری بواصر اهم تعاون نورسحر کبی بتون آفاق اسلامه انتشار ایده جک، ان شالله آرزبرزمانده امید وانتظارک قات قات فوقنده مبالغ جسمیه طویلانه جقدر.

هندستان :

تظاهرات اسرمیه. — قالدکوتادن ۹ کانون ثانیده چکیلن بر تلغرافنامه ده اشعار اولوندیغنه کوره : مسلمانلر، عثمانیلر لنده بر اجتماع یاعشدر بو اجتماعده مخاصمات یکیدن باشلامسنی طلب وآوروپانک سکوت غدارانه سنی وانکلترونک بلغار وحشکنه قارشو کوسترمش اولدینی لاقیدی بی پروتستو ایتشدر.

§ ۳۰. کانون ثانی تاریخیه آژانس رویتره دا ایدن بیسلر یلور : « لاهور اهالی اسلامیه سی عقد ایتدکلری بر اجتماعده انکلتزه حکومتدن عثمانیلر علیهنده اتخاذ اولنه جق تدابیر تضییقه یه اشتراک ایتهمسنی وحکومت عثمانیه دن شان اسلامیتی محافظه ویاخود فدای جان ایدلسنی طلبه قرار ویر- م لرذر. مقرراتک نهایتنده لاهور مسلمانلرینک عثمانلی قرده شلرینه مخالفت قلبیه لری بیان ایدلشدر.

تاریخ اسلامه آلتون صحیفه لر

اعیان اعضاسنندن سید عبدالقادر افندی حضرتلری طرفندن اولاد اکراده خطاباً یازیلان دعوتنامه دن :

« وطن تهلکه ده در. دشمن دین بک یاقینده در. مقصدی مقام خلافته